



TOSHKENT DAVLAT YURIDIK UNIVERSITETI REKTORINING B U Y R U G ' I

2020 йил “26” август

08-149 -сон

**Ўзбекистон Республикаси Адлия вазирлиги раҳбарияти
хузурида 2020 йил 7 августда (онлайн тарзда) ўтказилган тезкор
йиғилишнинг 1-сон баёни ижросини таъминлаш тўғрисида**

Тошкент давлат юридик университетида коррупцияга қарши курашиш чораларини янада кучайтириш ҳамда университетга юклатилган вазифа ва функцияларни самарали амалга ошириш билан боғлиқ ишларни мувофиқлаштириш мақсадида

Б У Ю Р А М А Н:

1. Ўзбекистон Республикаси Адлия вазирлиги раҳбарияти хузурида 2020 йил 7 августда (онлайн тарзда) ўтказилган тезкор йиғилишнинг 1-сон баёни (кейинги ўринларда – йиғилиш баёни) маълумот ва ижро учун қабул қилинсин.

2. Кадрлар бўлими (А.Матмуротов):

хар бир ходимнинг судланганлик ҳолатини ўрганиб, тегишли таклифлар киритсин;

барча ходимлар (шу жумладан профессор-ўқитувчилар) билан тузилган меҳнат шартномаларига йиғилиш баёнида келтирилган намуналарга мувофиқ қўшимча киритиш орқали адлия вазирининг 2020 йил 24 февралдаги 42-ум-сон буйруғи билан тасдиқланган коррупцияга қарши қоидаларнинг мазмуни бўйича асосий шартлар билан тўлдириш чораларини кўрсин;

барча ходимларни (шу жумладан профессор-ўқитувчилар) коррупциявий ҳаракатлар содир этилмаслиги ҳамда коррупцияга оид ҳуқуқбузарликлар содир этилганда тегишли жавобгарлик чоралари қўлланилиши мумкинлиги бўйича ёзма равишда огоҳлантирсин;

амалга оширилган ишлар натижаси бўйича жорий йилнинг 10 сентябрга қадар Адлия вазирлигининг Кадрлар бошқармасига маълумот тақдим қилинишини таъминласин;

адлия вазирининг 2020 йил 24 февралдаги 45-ум-сон буйруғи билан тасдиқланган Ўзбекистон Республикаси Адлия вазирлиги тизимида коррупциявий хавф-хатарларни баҳолаш услубиётига мувофиқ коррупцияга мойил гуруҳга кирувчи ходимлар ҳамда коррупциявий хавф-хатари ўрта ва юқори бўлган лавозимдаги ходимларнинг рўйхатини шакллантирсин;

мазкур рўйхат асосида уларнинг коррупциявий хавф-хатари юзасидан белгиланган тартибда ўрганиш ўтказилишини таъминлаб, натижаси бўйича жорий йилнинг 10 сентябрга қадар Адлия вазирлиги тизимида коррупцияга қарши курашиш бўлимига маълумот тақдим қилсин.

3. Ушбу буйруқнинг бажарилишини назорат қилишни ўз зиммамда қолдираман.

Ректор



Р. Ҳақимов